



Привремена заједничка комисија оба дома  
Парламентарне скупштине Босне и Херцеговине за  
спровођење процедуре за именовање чланова  
Независног одбора и Одбора за жалбе грађана као  
независних тијела полицијске структуре Босне и  
Херцеговине

Privremena zajednička komisija oba doma  
Parlamentarne skupštine Bosne i Hercegovine za  
provođenje procedure za imenovanje članova  
Nezavisnog odbora i Odbora za žalbe građana kao  
nezavisnih tijela policijske strukture Bosne i  
Hercegovine

Privremeno zajedničko povjerenstvo obaju domova  
Parlamentarne skupštine Bosne i Hercegovine za  
provođenje procedure imenovanja članova Neovisnog  
odbora i Odbora za žalbe građana, kao neovisnih  
tijela policijske strukture Bosne i Hercegovine

Broj: 01,02-50-14-283-2,5/13

Sarajevo, 13.03.2013. godine

Na osnovu čl. 5. i 17. Zakona o nezavisnim i nadzornim tijelima policijske strukture Bosne i Hercegovine ("Službeni glasnik BiH", br. 36/08), člana 8. Zakona o ministarskim imenovanjima, imenovanjima Vijeća ministara i drugim imenovanjima BiH („Službeni glasnik BiH“, br. 37/03) i Odluke o raspisivanju javnog konkursa za provođenje procedure za izbor kandidata za imenovanje članova Nezavisnog odbora i Odbora za žalbe građana, broj: 01,02-50-14-283-2,4/13 od 13.03.2013. godine, Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje članova Nezavisnog odbora i Odbora za žalbe građana kao nezavisnih tijela policijske strukture Bosne i Hercegovine, r a s p i s u j e

### JAVNI KONKURS

za provođenje procedure za izbor kandidata za imenovanje članova Nezavisnog odbora i  
Odbora za žalbe građana  
kao nezavisnih tijela policijske strukture Bosne i Hercegovine

1/01 Član Nezavisnog odbora

1/02 Član Odbora za žalbe građana

1/01 Član Nezavisnog odbora

**Opis nadležnosti:** Nezavisni odbor je nezavisno tijelo Parlamentarne skupštine BiH koje djeluje isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrovane organizacije ili udruženja, ili bilo kojeg naroda u BiH. **Članovi Nezavisnog odbora nadležni su za:** provođenje procesa odabira kandidata i predlaganje smjenjivanja policijskih rukovodilaca i zamjenika rukovodilaca policijskih tijela BiH; objavljivanje javnih konkursa i razmatranje prijave kandidata, vršenje odabira i dostavljanje ministru sigurnosti BiH imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH; razmatranje

pritužbi na rad rukovodilaca i zamjenika rukovodilaca policijskih tijela BiH i obavještanje o tome ministra sigurnosti BiH i Vijeća ministara BiH; iniciranje pokretanja disciplinskog postupka protiv rukovodilaca i zamjenika rukovodilaca policijskih tijela BiH; predlaganje smjenjivanja rukovodilaca i zamjenika rukovodilaca policijskih tijela BiH za čiji izbor je nadležan, ukoliko su počinili krivično djelo, odnosno ukoliko počine tešku povredu službene dužnosti, osim za krivična djela iz oblasti sigurnosti saobraćaja; ostale poslove propisane Zakonom o nezavisnim i nadzornim tijelima policijske strukture Bosne i Hercegovine ("Sl. glasnik BiH", br. 36/08), Poslovníkom o radu Nezavisnog odbora i drugim propisima; Nezavisni odbor obrađuje podatke i vodi evidencije u skladu sa zakonom i drugim propisima,

Jedan od kandidata biće predložen za predsjednika Nezavisnog odbora. Predsjednik rukovodi radom i predstavlja Nezavisni odbor, priprema Nacrt poslovníka o radu i nacrt godišnjeg plana rada, podnosi godišnji izvještaj o radu, kao i druge potrebne izvještaje ovog radnog tijela, obavlja druge poslove u skladu sa zakonom i drugim propisima i odgovoran je za zakonitost rada.

**Status :** Član Nezavisnog odbora ima prava i obaveze proistekle iz Ustava BiH, zakona i podzakonskih akata, a neće imati radnopravni status. Sredstva za rad i naknade za rad osiguravaju se u budžetu Parlamentarne skupštine BiH.

**Broj izvršilaca:** devet (9) izvršilaca (po tri Bošnjaka, Srbina i Hrvata).

**Mandat:** Članovi Odbora imenuju se na mandat od četiri godine.

## **1/02 Član Odbora za žalbe građana**

**Opis nadležnosti:** Odbor za žalbe građana je nezavisno tijelo Parlamentarne skupštine BiH koje djeluje isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrirane organizacije ili udruženja, ili bilo kojeg naroda u BiH. **Članovi Odbora za žalbe građana nadležni su za:** primanje, evidentiranje, procjenjivanje i prosljeđivanje žalbi na postupanje policijskih službenika BiH, kao i njihovo upućivanje nadležnim policijskim tijelima; kontinuirano praćenje u kojoj fazi se nalazi predmet; iniciranje odgovarajućeg postupka protiv podnosioca žalbe u slučaju lažne ili tendenciozne žalbe; vođenje svih odgovarajućih evidencija i baza podataka o žalbama građana protiv policijskih službenika BiH, rezultatima istrage i drugim faktorima na osnovu kojih je pokrenut disciplinski ili krivični postupak; davanje svih informacija podnosiocu žalbe vezanih za njegovu žalbu; informisanje Parlamentarne skupštine BiH o svom radu; Odbor za žalbe građana nadležan je za sve ostale poslove propisane Zakonom o nezavisnim i nadzornim tijelima policijske strukture Bosne i Hercegovine ("Sl. glasnik BiH", br.36/08), Poslovníkom o radu Odbora za žalbe građana i drugim propisima. Odbor za žalbe građana obrađuje podatke i vodi evidencije u skladu sa zakonom i drugim propisima.

Jedan od kandidata biće predložen za predsjednika Odbora za žalbe građana. Predsjednik predstavlja Odbor, rukovodi i usmjerava obavljanje poslova iz nadležnosti Odbora, priprema Nacrt poslovníka o radu Odbora, podnosi godišnji izvještaj o radu, te druge potrebne

izvještaje ovog radnog tijela, obavlja druge poslove u skladu sa zakonom i drugim propisima i odgovoran je za zakonitost rada.

**Status:** Član Odbora za žalbe građana ima prava i obaveze proistekle iz Ustava BiH, zakona i podzakonskih akata, a neće imati radnopravni status. Sredstva za rad i naknade za rad osiguravaju se u budžetu Parlamentarne skupštine BiH.

**Broj izvršilaca:** sedam (7) izvršilaca (uključujući obaveznu zastupljenost svih konstitutivnih naroda).

**Mandat:** Članovi Odbora imenuju se na mandat od četiri godine.

### **Opći i posebni uslovi**

**Opći uslov za sve pozicije:** da je državljanin Bosne i Hercegovine stariji od 18 godina; da nije otpušten iz državne službe u institucijama Bosne i Hercegovine, odnosno entiteta, kao rezultat disciplinske mjere u periodu od tri godine prije dana podnošenja prijave za upražnjena mjesta; da nije obuhvaćen odredbom člana IX stav 1. Ustava Bosne i Hercegovine,

Kandidat treba da ispunjava i **posebne uslove:**

**a) Pozicija 1/01** - visoka stručna sprema - VII stepen; da dolazi iz reda predstavnika pravosudnih institucija, ili da je penzionisani policijski službenik, penzionisani ili aktivni državni službenik; ili istaknuti stručnjak iz drugih oblasti javnog života, oblasti prava, kriminalističkih nauka i policijskih poslova; da nije osuđen za krivično djelo osim za krivično djelo iz oblasti sigurnosti saobraćaja; da nije član političke stranke;

**b) Pozicija 1/02** - visoka stručna sprema - VII stepen, uz uslov da najmanje pet članova Odbora za žalbe moraju imati zvanje diplomiranog pravnika; da je ugledni i uvaženi građanin koji nije zaposlen u policijskim tijelima BiH; da nije osuđen za krivično djelo osim za krivično djelo iz oblasti sigurnosti saobraćaja; da nije član političke stranke.

### **Potrebni dokumenti**

Kandidat je dužan da uz prijavu na javni konkurs dostavi i originale ili od nadležnog organa ovjerene kopije dokumenata:

- 1) radnu biografiju (CV) sa izjavom o nacionalnom opredjeljenju, adresu i telefon za kontakt;
- 2) ovjerenu kopiju fakultetske diplome (nostrifikovane diplome ako fakultet nije završen u BiH ili je diploma stečena u nekoj drugoj državi nakon 06.04.1992. godine),
- 3) uvjerenje o državljanstvu Bosne i Hercegovine, ne starije od šest mjeseci,

- 4) ovjerenu izjavu da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana podnošenja prijave za upražnjene pozicije,
- 5) ovjerenu izjavu da nije obuhvaćen odredbom člana IX stav 1. Ustava Bosne i Hercegovine,
- 6) ovjerenu i potpisanu izjavu da nije član političke stranke.

**Osim navedenih dokumenata kandidat treba:**

- za **poziciju 1/01:** dostaviti i dokaz da: dolazi iz reda predstavnika pravosudnih institucija; penzionisanih policijskih službenika; penzionisanih ili aktivnih državnih službenika; istaknutih stručnjaka iz drugih područja javnog života; područja prava, kriminalističkih nauka; policijskih poslova;
- za **poziciju 1/02:** dostaviti ovjerenu i potpisanu izjavu da nije zaposlen u policijskim tijelima BiH.

**Napomena za sve kandidate :**

Pored općih i posebnih uslova kandidat za člana Nezavisnog odbora i Odbora za žalbe građana ne može biti, u skladu s čl.4. st. (4) i čl. 16. st.(4) Zakona o nezavisnim i nadzornim tijelima policijske strukture Bosne i Hercegovine) lice osuđeno za krivično djelo, osim za krivično djelo iz oblasti sigurnosti saobraćaja, U skladu s navedenim Komisija će po službenoj dužnosti pribaviti dokaz za kandidate čije prijave budu prihvaćene a koji taj dokaz ne dostave.

Javni konkurs biće objavljen u "Službenom glasniku BiH", "Službenom glasniku Brčko Distrikta BiH", dnevnim listovima „Dnevni avaz“, „Press“ i „Večernji list“, te na web-stranici Parlamentarne skupštine BiH.

Prijavu na javni konkurs s traženom dokumentacijom treba dostaviti najkasnije 15 dana od dana objavljivanja u "Službenom glasniku BiH", od kada će se računati i rokovi. Prijava s dokumentacijom dostavlja se poštom, preporučeno, na adresu:

**Parlamentarna skupština BiH**

**Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje članova Nezavisnog odbora i Odbora za žalbe građana kao nezavisnih tijela policijske strukture Bosne i Hercegovine**

**„JAVNI KONKURS za provođenje procedure za izbor kandidata za imenovanje članova Nezavisnog odbora i Odbora za žalbe građana kao nezavisnih tijela policijske strukture Bosne i Hercegovine – "NE OTVARATI";**

**71000 Sarajevo, Trg Bosne i Hercegovine br. 1**

**Napomena za kandidate:** Dokumenti neće biti vraćeni kandidatima. Komisija će s kandidatima čije su prijave prihvaćene kao uredne i koji ispunjavaju potrebne uslove obaviti intervju. Prije intervjua od kandidata može se zatražiti da dostave podatke o prethodnim rukovodiocima od kojih se mogu dobiti preporuke i informacije o kandidatu. Kandidat je dužan dati informaciju o bilo čemu, što može rezultirati sukobom interesa u slučaju da dođe do njegovog imenovanja.

\*Neblagovremene prijave neće biti razmatrane, a nepotpune i neuredne prijave bit će odbačene.